

卷尾



書名 譚襄敏公遺集三卷首一卷末一卷 嘉
 靖二十四年序刊與譚襄敏公奏議合印
 本
 撰者 明 譚綸 撰
 卷 卷尾
 內容分類 集-別集-明中葉
 索書號 大木-總類-奏議-別集-20
 編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)

版權所有: [東京大學 東洋文化研究所](#)
[使用上的注意事項](#)

譚襄敏公奏議卷之一

知宜黃縣事後學武原顧所有纂修



恭謝

天恩疏

嘉靖四十二年二月望日題

前任浙江布政使司右叅政兼按察司副使

勅 嘉靖四十年三月十九日以父憂離任本年

簡因廣寇流突江西伏蒙

卓復臣原職事寧伏蒙

西原長文八八三三三

卷之一

譚襄敏公奏議後序

余遊南部吳郡王元美雄白紆
朱能口雌黃俊傑時務而新安
汪伯玉常從吾鄉

先大司馬宮保襄敏譚公征閩
寇有功當是時

天子方南顧公以汪爲有才婁表

自汪功罪狀事定汪引戚帥爲
重元美從與功之第伯玉記事
諸篇爛然若前日事已

天子北顧戚隨公起薊門公於諸
將中抗表日俞帥得古用車爲
櫓法而獨以北門屯守付戚蓋
公委任而責成功信于人心而

光于日月之際矣當公爲南臺
郎夫丈間羊斟之御者有人哉
公以臺郎禦倭最知名後閩事
功簿

上有其人名則信乎公開誠布公
能功罪人至得當而後知區區
者果不足憑也公守台日見有

物集於木家人以爲蠹蜓公朝
衣冠拜之置小水盂中須臾雷
電合有五色光爪雲蜿蜓直上
則龍也此與陶侃公忠釣梭何
異斯三公兆矣自是以太守殺
賊保障全浙以東西食公德台
嚴祠焉然是時公有大功於越
沿海上諸旁郡受倭毒台爲甚
而公至練台卒防禦攘却投醪
同甘啖餅食糲日扎巾草屨雜
士卒行伍間夜荷戈席蒲不得
睡購得倭級者重與金等台功
爲第一而不得自疏於

上疏自撫閩蜀始迄於遼公貌不

讀史錄卷之六
後序
三
踰晏子恂恂若儒生無刁斗夜
嚴戒而賊至輒應如響以是倭
奴落膽北 且吞聲也然公居
常對賓客談笑燕閑口不言南
北事亦無自功之色卽終制賊
曹明令伯之心辭免戎政敦羊
公之讓而

天子倚公爲社稷重自束髮老於
兵間垂三十年公南畧極思田
北畧極東西黃賊土 夫北戎
病燕齊桓斬孤竹獻捷于周今
之燕河

帝王之都會

天地之隩區也

太祖以大將軍北平克元上都

成祖親征阿魯台獲祭天金人屈

烈河不見矣公如不死庶幾

哉竟

二祖廓清宇宙獨守開平之志而

天不憖遺獨書疏存散落簡帙

幾藏名山憶公北邸時曾三遇

異人授以黃老家立妙以故公

神明寧謐而軍務好以整暇公

常言殺倭子有法蓋倭性蠢愚

間有點悍者操刀裸跳而前倭

利海不利陸犁沉真倭大舶綉

鞋等艇引而走險陵谷叢林間

火攻可盡燒殺倭野無所掠餓

不能乘海船歸國用銳打死又嗜酒食往往中毒涇流防春汛塘報隨風所之并力不得登岸合夥入寇者避鋒擊歸夜眠草間求活砍厥渠酋則諸賊奴群醜從跪而受刃無生還者公之復興化也士宿飽而寇夜亡月

三捷哉斬獲新舊倭級三千擒回男婦活數萬人噐稱是其面授方畧又有出於奏疏之外者矣顧閩人生海國者導之耳它如破山賊蘇阿曾川廣賊安信馬騰霄泥阿五等直扣公餘智囊賈公餘勇耳摧枯拉朽若

讀史錄公奏議 後序 九
丈人之承蜩然論公大者在薊
鎮脫歡也先後稱可汗屬部落
北哈刺噠并太平孛羅衆古會
州地陽爲外藩而陰鄉導闌入
薊遂多事矣防守與宣大埒而
居庸山海紫荆鐵嶺等關隘實
係古北一障爲

三氣陵阜三輔門戶重關天險公
念秦蒙恬所築長城張韓公三
受降外業已 腹我且城垣而
守易蟻穴墩烽易陵我高隼塞
垣邊長萬里易墮卒難接連易
生 心於是以南短兵素用台
人教步倣古鐵籠呂公一車兩

馬意教乘鐵象戰蓋毀車崇卒
非司馬法而邊地潏蕩大風揚
沙以車爲家且北控弦鳴鏑
射鷗勢如鷲匿鶻舉烏鴉聚腥
穢不可近胡馬如風搏如電新
羈八尺以上高中國馬如蝟如
蝸仆不足恃人馬不相得則用

車轍當之稍稍輔轄相依也公
以房瑄車戰適遺禽不得方軌
碁淖泥中而出塞入塞利用車
以載火藥噐藏鳥銃手拒馬槍
架先犯其馬胡無人稍却則殿
車以自衛間出鐵騎左右翼以
衝其前拒之稍氣靡者斯公用

古車戰法意乎初議建敵臺三千座踏勘邊牧步以弓度松棚桃樹窪掛枝馬蘭墻子陳家谷曹家寨潮河川潘家口等路民間千金不能成一臺而心計之臣坐困于是議減臺增工添諸犒賞出尖夜燒荒邊外採木料空心水堤石砌磨磚灌灰壕板裹檔木柁釘鐵將賊通馬路處盡扼塞之三年而後完公之功與趙武靈王父構堞百雉李牧代鴈收保守聚選百金士穀者萬破匈奴數十萬騎何讓哉公又慮事權不一則中制而格十

羊九牧敗道也且不能宿重兵
 于外而總督而巡撫而巡關而
 監司一聽於大吏而總兵而副
 叅遊守路將一聽于帥務莫若
 得人於是疏文武諸吏僉受其
 器使文臣坐策事武臣掎而角
 之某也騎某也步某也智某也

闕視公馬首旗鼓是當懿潞夾
 河之捷砍入營帳斬首數百
 生獲達馬豪羊橐駝盛甲有奇
 敢不來質平哉公為本兵時中
 涓柄臣用事諸附麗之者起家
 驟至九列而公獨以累

朝勲望從容其間大同之役事幾

讀史錄卷之六 後序
殆賴公以全諸忌者意沮亦公
之德量足以服其心而矚目小
兒尚以公爲有間哉余爲桐梓
拜公牀下弱冠登名見公京師
公時以太廟齋罷
賜宮卿上尊食公出
天厨犧象
爲余小子後二十年而嘉禾

顧穎泉公試令於茲標表人倫之
宗搜網天球之異懼公遺疏安
世亡書召諸生讎校而余得以
編摩義例卷目

侯喪自刪定分爲十策叅訂名本
同異剗煩補畧斷手殺青屬余
殿之末余常便登廣武賦豪傑

譚襄敏公奏議 後序
詩怪太史公文章言語妙天下
而叙衛霍功稍畧豈不欲見其
所長哉余讀公疏前序而知我
侯固翩翩乎詳言之也敬以復
侯之嘉命

邑人晚學李希哲頓首序

刻譚襄敏公奏議後序

昔人稱文章經世之大業不朽
之盛事信知言矣此豈徒按藻
摛葩飾章繪句僅僅塗人耳目
取說當世云爾哉彼其心術精
神沉酣醞釀展錯於猷爲發揮
於論議真有可對天地負鬼神

與天下後世人心相印可而無愧者余觀古來名公卿賢大夫士生挺精英出佐休明其鍾鼎茂伐勒在當年金石遺文傳之後世而其爲人類皆肫誠竒偉博大深沉非如齷齪詭譎之流僥倖得志而勉強期月之間者

所能爲也三五以還無論已輓近世如唐之裴中令出入將相光輔中興盛業其所纂述憂勤機畧思深慮遠至今把玩不能釋手宋范希文氏志切先憂當西夏多事以身劬濟延州一議激烈慷慨今讀其文尤可想見

譚襄敏公奏議 後序
其爲人之一二公者豐功崇論照耀千古耳目乃其孜孜許國一念有死無二誰得而軒輊之藉令二公其幹濟雖甚倬竦而心曲隱微未必真誠懇惻如是則亦一時闖捷之流輩耳烏能聲施後世而令人景慕一至此哉

余鄉先正

大司馬譚襄敏公以名進士起家早有志聖賢之學時承平旣久武備漸墮北苦南苦倭歲無寧宇公慨然有投鞭瀚海鳴劍伊吾之志初調南武部適倭掠淮海諸郡轉薄留都公躬

譚襄敏公奏議 後序
揆甲冑督敢死士禦却之遂以
兵知名

朝廷亦終始置公兵間閩浙世中
倭患殘刃之民幾沒世不復公
定計擊斬不逾年次第蕩平其
所疏復水寨處兵將等十二事
及善後之宜六事規畫綢繆迄
於今是賴

穆廟初奄備猖獗赤白囊旁午都
下戒嚴

朝廷以薊鎮鎖鑰付公公承邊備
墮竄士氣摧折之後練土著建
敵臺造戰車處分稍定而奄備
擁衆大舉公與家人生訣身當

黃花之衝以死自誓及知公有
備捨入大同公又抗疏願舉薊
鎮之兵一大創之爲保百年無
事之計是時公已身都八座非
壯年被命防海之比而其報國
之心益堅且明故其疏有曰臣
惟盡瘁報國至於成敗利鈍豈

臣能逆觀公之心何如哉惜也
啗復大寧移鎮偏關與宣大摘
角收國家安攘全利庶幾公志
何時質斯議於成也余髫年侍
竊公識公緒論及公敷歷中外
其掀揭之表豎在

朝廷宏遠之建自在疏議固卽今

之晉公范公而其一念體國之誠較然不欺終始如一則晉公范公合而爲一人也公雖勤勞國家居常好讀書爲文尤究心道家言至於字學亦罔精不妙入格所存有奏稿若干尺牘稿若干公捐館時止刻奏稿十卷於原稿中尤有未盡選入者與尺牘稿具存公令子錦衣君有待而刻

顧侯來令吾宜勞心民事諸所注厝率稟於先哲以公固海內人豪且有造於湖中居多欲搜其遺文付之剞劂以識尙友之

言集錄公奏請
德月
志屬余爲之編次於乎公之鴻
勲偉樹其梗概具載此疏其生
平心術亦盡洩於此疏
令君序之詳矣余稍次其行事
而及公之大節者以曾侍公之
教知公之素也亦以補史氏之
所未備也

邑人晚學鄒啟元頓首撰



五國

